

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. Statuta Općine Centar Sarajevo („Službene novine Kantona Sarajevo“, br. 23/04), Odluke o izvršavanju Budžeta Općine Centar Sarajevo za 2023. godinu („Službene novine Kantona Sarajevo“, broj 02/23) i Pravilnika o uslovima i kriterijima za bodovanje i provođenje postupka za dodjelu plastenika na području Općine Centar Sarajevo za 2023. godinu broj:16-20-85/23 od datuma: 16.03.2023.godine, Općinski načelnik objavljuje:

JAVNI POZIV

za dodjelu plastenika površine 50m² sa dodatnom opremom na području Općine Centar Sarajevo za 2023. godinu

I PREDMET JAVNOG POZIVA

Predmet Javnog poziva je prikupljanje zahtjeva za dodjelu plastenika površine 50m² sa dodatnom opremom za lica koja obavljaju obrtničku poljoprivrednu djelatnost i fizička lica u cilju poticanja poljoprivredne proizvodnje na području Općine Centar Sarajevo.

II USLOVI ZA OSTVARIVANJE PRAVA NA DODJELU PLASTENIKA

(1) Obrtnici i fizička lica imaju pravo aplicirati na Javni poziv ukoliko ostvaruju sljedeće uslove:

- a) da podnosilac zahtjeva ima prijavljeno stalno prebivalište na području Općine Centar Sarajevo (fizičko lice), odnosno da ima registrovanu poljoprivrednu djelatnost sa sjedištem na području Općine Centar Sarajevo (obrtnici);
- b) da je podnosilac zahtjeva korisnik (vlasnik, posjednik, dugogodišnji zakupac zemljišta najmanje 5 godina) minimalno 200m² poljoprivrednog zemljišta pogodnog za plasteničku proizvodnju na teritoriji Općine Centar Sarajevo;
- c) da je podnosilac zahtjeva upisan u Registar poljoprivrednih gazdinstava i Registar klijenata u nadležnoj Službi Općine Centar i da je izvršio ažuriranje podataka za 2022. godinu.

(2) Poljoprivredno zemljište na koje se namjerava postaviti platenik mora sadržavati sljedeće karakteristike:

- a) da je pogodno za plasteničku proizvodnju;
- b) da nije evidentirano kao aktivno klizište;
- c) da se ne nalazi u brdovitom području pod nagibom;

- d) da ima obezbjeđen pristup izvorištu vode ili vodovodnoj mreži.

Pravo na dodjelu plastenika ne mogu ostvariti kandidati koji su u ranijem periodu najmanje 4 godine od raspisivanja ovog javnog poziva ostvarili pravo na donaciju, dodjelu ili sufinansiranje nabavke plastenika od bilo kojeg nivoa vlasti, humanitarnih i drugih institucija i organizacija.

III ODABIR KANDIDATA

Općinski načelnik imenuje komisiju za dodjelu plastenika koja provodi postupak dodjele plastenika po ovom javnom pozivu čiji je zadatak :

- 1) Da pregleda i izvrši evaluaciju pristiglih prijava, evidentira kandidate koji ispunjavaju uslove iz Javnog poziva te utvrdi rang listu na osnovu propisanih kriterija za bodovanje.
- 2) Nakon izvršene evaluacije pristiglih zahtjeva, komisija će utvrditi prijedlog rang liste koja se dostavlja Općinskom načelniku.
- 3) Konačnu odluku o dodjeli plastenika, na prijedlog komisije, donosi Općinski načelnik.
- 4) Kandidati će o rezultatima javnog poziva biti obaviješteni putem web stranice i oglasne ploče Općine Centar Sarajevo.
- 5) Izabrani kandidati potpisuju Ugovor o dodjeli plastenika sa Općinom Centar, kojim se regulišu sva dalja međusobna prava i obaveze.

IV KRITERIJI ZA UTVRĐIVANJE RANG LISTE ZA DODJELU PLASTENIKA

Kriteriji za bodovanje podnesenih zahtjeva kategorisani su kako slijedi:

- a) pogodnost zemljišta za zasnivanje plasteničke proizvodnje (utvrđuje komisija za dodjelu plastenika uviđajem na licu mjesta):
- (1) da je površina zemljišta gdje će se postaviti plastenik ravna ili veoma blagog nagiba;
 - (2) da je pogodna ekspozicija i konfiguracija zemljišta;
 - (3) da zemljište nije vlažno odnosno sklono zavarivanju;
 - (4) da nije u blizini objekata koji bi mogli stvarati sjenu na plasteniku;
 - (5) da je zemljište udaljeno od industrijskih zagađivača minimum 0,5 km, a od glavnih saobraćajnica 50 m;
 - (6) da ima obezbjeđen pristup izvorištu vode ili vodovodnoj mreži;
- Ukupno:50 bodova.
- b) da je podnosilac zahtjeva registrovan kao poljoprivredni proizvođač u Općini Centar ili da ima Rješenje o registraciji subjekta kod nadležnog organa20 bodova;
- c) da je podnosilac zahtjeva upisan u Registar poljoprivrednih gazdinstava i Registar klijenata i da je ažurirao podatke u nadležnoj Službi u 2022. godini..... 20 bodova;
- d) da podnosilac zahtjeva nije imao plasteničku proizvodnju.....10 bodova.

Bodovi po osnovu kriterija se zbrajaju. Ukoliko dva ili više kandidata imaju isti broj bodova, prednost će imati kandidat koji je po datumu ranije izvršio aplikaciju za Javni poziv.

V SADRŽAJ POTREBNE DOKUMENTACIJE

Uz popunjen i potpisan zahtjev za ostvarivanje prava na dodjelu plastenika potrebno je priložiti sljedeće dokumente (original ili ovjerenu fotokopiju):

- a) dokaz da je podnosilac zahtjeva korisnik zemljišta (zemljišnoknjižni izvadak ili kopija skice iz katastra koja nije starija od 6 mjeseci ili kupoprodajni ugovor, ugovor o poklonu ovjeren na Sudu sa regulisanim poreskim obavezama uz priložen zemljišnoknjižni izvadak i kopiju skice iz katastra ili ugovor o višegodišnjem zakupu minimalno 5 godina sa ovjerenim ugovorom poreske uprave);
- b) prijavu o mjestu stalnog prebivališta ne starija od 6 mjeseci (CIPS za fizička lica);
- c) ovjerena izjava podnosioca zahtjeva:
 - da je poljoprivredno zemljište na koje će se postaviti platenik pogodno za plateničku proizvodnju i da nije evidentirano kao aktivno klizište;
 - da u ranijem periodu najmanje 4 godine od raspisivanja ovog javnog poziva nije ostvario pravo na donaciju, dodjelu ili sufinansiranje nabavke plastenika od bilo kojeg nivoa vlasti, humanitarnih i drugih institucija i organizacija;
 - da u naredne 3 godine neće zamijeniti ili na drugi način otuđiti dodijeljeni platenik.

Zahtjev možete preuzeti na sljedećem linku:
<http://www.centar.ba/stranica/javni-pozivi-euprava>

VI NAČIN I ROK ZA PODNOŠENJE ZAHTJEVA

Rok za prijavu na Javni poziv je 10 dana od dana objavljivanja u dnevnom listu i web stranici Općine Centar.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

Općina Centar Sarajevo
Mis Irbina 1
71000 Sarajevo
Sa naznakom „Javni poziv za dodjelu plastenika površine 50m² sa dodatnom opremom“

„NE OTVARAJ“

Na poleđini koverta obavezno se navodi: ime i prezime/naziv firme podnosioca zahtjeva, adresa/sjedište i kontakt telefon.

Neblagovremeni i nepotpuni zahtjevi/prijave neće biti razmatrane.

VII OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja. Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512.